

Czyndery, Uarasiensi, Comitatum Uice-Comitibus, ad generalem Inclyti Regni Hungariae, ex indicto Suae Maiestatis Sacratissimae Caesareo Regiae, in Libera Regiaque Ciuitate Posoniensi, pro die tertia imminentis Mensis Aprilis, Anni modo currentis 1712 celebrandam Diaetam, Regnorum Dalmatiae, Croatiae et Sclauoniae Ablegatis.

(*Caeteris exmissis.*)

- 4^{to}. Publicis quidem Regni Hungariae Juribus et Libertatibus atque Diplomati-
bus Diuorum Regum, in fauorem etiam horum Regnorum emanatis, in-
haerebunt, nisi quod in praesenti Congregatione, de Successione Augu-
stissimae Domus Austriacae factae Declarationi et Resolutioni, superinde-
que condito Statuto et Article, si et dum eo uentum fuerit, derogari
non patientur, minus ipsi ullo pacto ab eodem Statuto recedent.

Ex eadem Regni Congregatione.

INSTRUCTIO.

Pro Illustrissimis et Reuerendissimo Dominis Comitibus, Emerico Eszter-
hazy de Galantha, Episcopo Zagrabiensi, Abbate Beatissimae Uirginis Mariae
de Topuszka, Sacrae Caesareae Regiaeque Maiestatis Consiliario, etc. Joanne
Draskovich de Trakostain, altetitulae Suae Maiestatis Sacratissimae Consiliario
et Camerariorum per Hungariam Magistro, Generali Uigiliarum Praefecto, Comi-
tatum Ualko-uar et Baronya Supremo Comite etc., Francisco Christophoro Delli-
simonouich de Kosztanieuecz, Summae titulae Maiestatis Sacratissimae Consili-
ario, Generali Uigiliarum Magistro, Praesidij et Confinij Kosztanicza Commen-
dante etc., ac Generoso Georgio Plemich de Ottok, optimae titulae Maiestatis
Caesareae et Regiae Consiliario et Regnorum Dalmatiae, Croatiae et Sclauoniae
Prothonotario, Dominorum Statuum et Ordinum eorundem Regnorum ad Sacra-
tissimam et Regiam Maiestatem, ex moderna ipsorum pro die nona Martij Anni
1712 Zagrabiae indicta, et sub Praesidio praetitulati Domini Episcopi, qua Officij
Banalis Locumtenentis, celebrata Congregatione Ablegatis.

Modo titulati Domini Ablegati, cum alijs Dominis ad id denominatis, et
exmissis, praefatorum Regnorum Ablegatis, postquam Sacratissimam Caesaream
et Regiam Maiestatem, Dominum Dominum eorundem Clementissimum, humil-
lime reueriti, ac de felici ac exoptato Sacratissimae Caesareae et Regiae
Maiestatis redditu, nomine Dominorum Statuum et Ordinum competenter agra-
tulati fuerint, tunc in alia Audientia per se soli:

- 1^{mo}. Debita erga suam Maiestatem humillime, erga Patriam uero suam et
eiusdem Interesse securitatis fidelitate, Resolutionem Dominorum Regni-
colarum, de Successione Augustissimae Domus Austriacae, sub decursu
modernae Congregationis statutam et receptam, et superinde factam
Declarationem, Sacratissimae Caesareae et Regiae Maiestati offerant et
commendent.